



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко” Крыница.

Всіх читателів, котры не вплатили ище пренумераты, просиме выровнати якнайскорше рахунки.

До наших читателей!

В каждом числі газеты Лемка містит ся заклик до присылания пренумераты за газету. Помимо того пренумерата тота вплылат барз неточно и нераз администрация Лемка находит ся в тяжких платничих условиях. Знаме, же тепер сут часы для селянства тяжкы, але пренумерата выносит всего неполный грош денно, котрый при доброй волі аж и найбіднійший може заощадити. Прото трудно ест оправдати неакуратность в плаченю недостатком греша, а радше треба досмотривати ся той неакуратности в неохоті гдекотрых читателей, котры, не доціняючи общественной организации, кажут, же покаль присылают Лемка, то го буду читати, а як перестанут прсылати, то ся без него обыйду.

Слава Богу, таких тепер маме не богато, але сут ище и до них звертаме ся с просьбом выровнати пренумерату.

Зашмарят ся Лемко-Союзови, же до тепер мало зробил, же не организует по селах кружков Лемко-Союза и не проявят меже селянами своей деятельности. Противники наши идут ище дальше, бо они чернят Лемко-Союз перед населенем, же он стреми до того, штобы с лемковских сел забрати учителей — руснаков, а осадити тоты села учителями — поляками. Тым клеветникам мы не даеме отвита, бо они и недостойны того и в своей злобі они не дадут ся переконати. Мы пишем во имя правды для людей доброй волі, же старанем нашим было и ест боронити все наших народных прав. В стараниях тых Лемко-Союз выслал масу подань до центральных административных и школьных властей и може похвалити ся аж и малыми успіхами. Мусят признати наши молоды учителя — руснаки, же лем завдякы стараниям Лемко-Союза достали посады. Лемко-Союз старал ся о них, не знаючи их, аджек без користи для себе — робил тото во имя народного добра. Тож не правда ест, же Лемко-Союз

не старат ся о добро нашего села, бо он кладе свой труд именно для него, лем, же не робит тото способом демагогичным. Лемко-Союз не мече ся на никого, не чернит и не шкалюет противников, не выписует острых крытык ини на правительство, ани на своих врагов, бо знае же тым лем ятрит ся умы и росогнуе ненависть, котра не може быти оснвом позытивной работы. Прото тыж здае ся гдекотрым, (ест их група певедичка, але тепла), же Лемко-Союз ест слабый, бо не кричит. Але на правду — то они сами хотят криком заглушити свой страх и свою немоч. Они так, як тото старе колесо, котре, хвюючи ся на всі стороны, все скрипит, штобы напомути господарези, што оно уж слабе и треба сорудовати нове, друг ся, где лем могут и операют ся о кого могут. Пробовали счастья в Совітах, але соттамаль им отписали, же таких им не треба, пак гдекотры кланяли ся рїжним панам также напрасно (як треба буде, то напишем кому и коли), аж наконец примкнули до Львова и ждут на „світло от востока”. О тых панах можеме открыто сказати, же як бы ся их кто звїдал, чого они хотят на правду, то они сами не знали бы на тото отвїтити. То сут люди, котры хотїли бы непременно быти предводителями, лем им розуму на тото бракуе и никто не хоче их слухати. Прото тыж роскричали ся и кричат, як розпещена дітина, коли не дают ей шибкы!

Чича дітонькы — чича! бавте ся шибками, а мы тымчасом свое робиме. Позытивным трудом, не лєстячи никому, ани тыж не нападаючи на никого, стараме ся все о тото, штобы облегчити так экономичне положене нашего села, як также ставати в обороні его культуральных и национальных прав. А если в гдекотрых областях мы мало зробили, то просиме не нападати на нас, але впряхи ся в ярмо народной работы и разом с нами стануты в ряды, а втотчас

напевно, коли буде нас больше и работа рушит острїше. А кто не уме взяти ся за работу, або не має на тото часу, тот нехай сполнит хоц свой обовязок и вплатит пренумерату.

Коли всі тото зробят, буде за што проявити работу и по селах. Незабывайме, же великий полководец Наполеон Бонапарте сказал, же до выграна войны потреба грошей, грошей и ище раз грошей! Так и ту, штобы ждати на великы успіхы, треба передом вплатити шроци!

Складайме гроши до кас!

Часто читат ся в газетах о крадежи и рабунковых нападах, якых допущают ся рїжны бандыты, котры забирают со скрині тяжко заробленный шрош. При таких нападах быват и так, же бандыты убивают людей, якы хотят боронити своего добра.

Всё тото діе ся прото, же люди держат гроши в хатах и не отдают их до коммунальных кас. Памятайме, же лем в касах коммунальных гроши сут певны. Там

не спалит их огонь и не вкраде злодій и коли лем будут нам потребины, все их достанеме.

Правда, — тепер нїт много грошей на селі. Але и тепер люди продают коні, волы, коровы, свині и други продукты своего господства. За проданы товары достают гроші.

Тоты гроши не повинны лежати ни оден день в хаті.

Ци на тыждень, ци на два, несме их до касы!

Там они певны, а в додатку принесут они ище якыйси процент. Там не пропадут, а с хаты може их забрати злодій.

Прото тыж каждый грош складайме в **Коммунальной Касі Ощадности** в Крынице-Здрою!

Памятайме, же ошадностью и трудолюбием доходят народы до богатства.

Пренумерата в' краю:
30 грошей місячно,
80 „ квартално
1.50 „ полрочно,
3 зл. рочно.

В Америкі: 1 дол. рочно.

В Чехословакии:
2 кор. місячно, 10 кор. полрочно,
20 кор. рочно.

Ціны оголошень:
Ціла сторона 120 зл., 1/2 стороны 60 зл., 1/4 стороны 35 зл., 1/8 стор. 20 зл., 1/16 стор. 10 зл.; оголошения малы за 1 мм. 20 гр., в тексті 30 гр., перед текстом 40 гр. При місячном и долшом оголошеню значна знижка.

Контото чекове Нр. 404.155.

Побіда повстанців в Іспанії.

Повстанцям невелике але рішительно посувають ся праві на всіх фронтах.

По опанованню Іруна, припустили они со всіх сторін атаку на недалеке місто и кріпость Сан-Себастьян. Серед завязатих боїв овладіли они кількома фортами, боронячи ма місто.

Червена милиція грозила вшеадженем міста в повітря, але до того не дошло. По наближенню ся повстанців, правительством війська, видячи, же уж ся не удержат, опустили Сан-Себастьян без выстріла.

По опанованню міста повстанцями, на улицах появили ся толпы народа, котры с радостью витали войско, котре освободило их от постраху анархистов и комунистов.

Повстанчи войська приготавлиють ся тепер до атаки на столицу Мадрыт. Их самолеты уж бомбардовали мадрытскы кошары и войсковы будынкы. Сошмарили при том летучкы, вызываючи населенє до подданя ся. На гдекотрых пунктах петрафили уж повстанцы посунути ся под Мадрыт.

С другой стороны правительство приготавлиють ся до завязатой обороны. До Мадрыта прибыли знова милициянты с Каталонии.

Обі стороны приготавлиють ся до страшного и рішительного боя.

В Палестыні не устають бои.

Англики в Палестыні не могут усмирить арабску заїлоеть. Всі думали, же таке біженство арабов скоро ся выпалит. А тимчасом арабы не перестают вобвати с жидами и англичаками.

Повторили они знова напады на автобусы с подорожниками жидами. Як в одном місци полиция выслала самоход с 4-ома людьми до присмотру дороги, арабы замалили ся, убили всік 4-ох полициянтов и забрали их оружіє.

Выслано погоню за повстанчим отрядом. Часть арабов окружено и 23-ох с них убито, або ранено. По стороні англичов єст 2-ох убитых и 6-ох раненых.

На горі Кормель также пришло до схваткы. Згинуло 2-ох англичов и 16-ох арабов.

Арабов осмілять невелике число англичского войска. Прото тыж Англия рішила вскріпити свои вобны силы в Палестыні и аж тепер высылат там свои войска.

Кромі того в субботу, дня 12-го вересня англичский комисар, управляющий Палестыном, скликал до себе предводителей всіх груп арабских и загрозил, же если не устане бойкот и кырвавы напады, то он в найблизших днях оголосит военне положенє в цілом краю.

Жидаы хотят утворити свою державу.

В Польщі бавят тепер председатель новой еменнетычной организации, Владимир Жаботынский. Жаботынский єст одним со світовых предводителей жидаов.

Теперешному побытову Жаботынского в Польщі придають велику вагу, бо так он сам, як и „Нова Сьонистычна Организация“, стараючи ся о масову жидаовску емиграцию—вшеаляють тепер подробны пляны в ділі жидаовской емиграции с Польщі—хотячи тым способом розвязати жидаовску квестию. „Нова Сьонистычна Организация“ приготавлиють тепер 10-літний плян для переселеня жидаов до Палестыны. Жидаов тых мають переселити 1 1/2 милиона в продолженю тых 10 літ. В границах того пляну предвиджуеть ся емиграцию жидаов с Польщі в числі от 60—70 тмысяч рочно. До осуществленя того пляну єст потребне стале и енергичне сотрудничество польского правительства. Річпосполита Польска обявлять все полне зрозумленє для жидаовских стремлень до власной закутины в Палестыні.

Одночасно Польша має надмірний процент жидаовского населеня и тому лежить в єй інтересі, штобы якнайбольше число жидаов выемигровало. Польша повинна—бєсідуеть Жаботынский приготавливати и осуществити разом с „Новом Сьонистычным Организационом“, точный плян евакуации жидаовских мас с Польщі.

НА ДОРОГУ ПРАВДЫ.

От двох місяцев в западной части Лемковщины, а взглядно в повітах новосандецком и горлицком начали гдеякы „людицы“ нову роботу, а именно начали спасати Лемковщину и те способами рекомандованыма через львовских „патриотов“ с под прапора Руской Селяиской Организации (Р.С.О.)

Роботу тоту повели на двох фронтах, а именно в терені, скликаючи довірочны совіщаня делегатом Р. С. О. на котрых являть ся все тыхсамых пару крикунов, и газеті „Земля и Воля“, где с одной стороны хвалять ся своима успіхами, а с другой стороны нападають на Лемко-Союз и яго руководителей.

Дотепер мы молчали, бо мы мыслили, што и львовскы штабовцы от Р. С. О. и их тутешны „труженники“ остаточно сами прийдут до розума и переконають ся, што работа их, то вода на млын украинцам, однак видиме, што до опамятаня им далеко, а наше молчанє заохочует их лем до того, што они дальше бавят ся в спасителей Лемковщины и дальше пакостят народному ділу.

Сегодня на разі отвітиме „Землі и Волі“ и єй дописователю „Яничкови“ на допись, напечатану в числі 28. с 26. липня 1936. под заглавием „Дальша польонизация Лемковщины“.

Содержанє той дописи таке: група лучших людей западной части Лемковщины внесла до властей школьных мемориял с протестом против переносеня рускых учителей, против ограничаня в школах прав руского языка и пр. Автор дописи стверждает, што мимо того положенє не уллучило ся, а напротив ише вєще ухудило ся и наводит на тоту доказательства с области школьничтва и діяльности административных властей. Наконец автор не стерпіл и переіхал ся по „панах патриотах“ с Лемко-Союза, котры ведля него, змісто боровити прав народа, сідят прєспокойно як у Бога за дверми, бо им добро народе не лежить на сердци. Автор дописи, котрый скриват ся под назвиском „Яничкко“ не лем нарікат на „панов — патриотов“ с Лемко-Союза, але грозит также и Лемко-Союзу, што такы як он (тот Яничкко) организують народ под своим проводом и поведут борбу за народны права.

Передовсем мусиме зазначити, што автора той дописи, того господина „Яничка“ мы докладно знаме и знаме што он не селянин, лем такыйсам „пан“ як тоты єго противники и врагы с Лемко-Союза и глумо с єго сто-

ромы других называти „панамы“, а самому подшивати ся под фирму хлопа.

По друге мусиме зазначити, што наш „Яничкко“ або свідомо цыганит або не уміє здорово и лєогично мыслити, бо с одной стороны нарікат на „панов патриотов“ с Лемко-Союза, а забывает о том, што именно містопредсідатель Лемко-Союза был тым „лучшим рускым человеком“, котрый перед роком составил мемориял до властей школьных, собрал подписы и ходил с делегационом до школьного инспектора. А если тоту чинил містопредсідатель Лемко-Союза, то робил тоту именов и под фирмом Лемко-Союза, а не именов Руской Селяиской Организации. И если наш „Яничкко“, задал бы собі труда хоц прочитати тот мемориял, котрый составил „лучший русский человек“ яко містопредсідатель Лемко-Союза, то уж с того меморияла был бы ся довідал, што Лемко-Союз не раз и не два вносил и передом в той самой справі мемориялы до школьных властей. Але „Яничкко“ волиет крытыковати, грозити и споза плота стріляти як интересовати ся діятельностью Лемко-Союза.

Бо если бы наш „Яничкко“ застановил ся добре над тым, што около нас ся діє и што діє ся поза межами Лемковщины, то мусіл бы признати, што всяди одинаково и што у нас не планше як приміром на терені львовского воеводства. Але там ніт на кого звалати вину, бо там ніт Лемко-Союза и длятого „Яничкко“ видит всю біду лем у нас на Лемковщині, а причиною всего злого по єго мысли—то Лемко-Союз.

„Яничкко“ в своєй умственной тупоті и лемковский буквар уважал от самого початку за штоси злого, бо он волиет, штобы діти наши с украинских книжок учили ся о украинских князях, о украинском народі и т. д. одним словом, он волиет, штобы діти наши украинизовали ся, як заховали имя, историю и віру наших предков.

А уж найвєще смішне со всього, што „Яничкко“ грозит „панам“ с Лемко-Союза. Грозит им так, як бы тоты єго врагы с Лемко-Союза штоси мали за тоту и с того, што руководят ділами Лемко-Союза.

Ано „Яничкку“ напиш о тых земских и дочасных благах и достоинствях, якых достутили „паны“ с Лемко-Союза за свой час и гроши, якы тратят в общественных справах.

Так знай „Яничкку“ што „паны“, котры руководят ділами Лемко-Союза были до часу основаня Лемко-Союза такыма самыма панамы, як сут и тепер и такыма останут, если даже руководство діл Лемко-Союза перейде в руки инших.

ПОМІЩАЙТЕ

ОГОЛОШЕНЯ

В ГАЗЕТІ „ЛЕМКО“

Навоженє саду в осєни.

Хотячи, шtbody овсєвы дерева родили каждого року, треба доконче сад навозити. Особєнно важне для садов єст навоженє в осєни.

Дерева по выданю плодов высилили ся и хоц завязали на короткых галузках пукаты квітовы очка, то однак не можна знати, ци на яр корєні дерев найдут в землі потребне количество готового корму, шtbody могли выкормити новы завязкы.

Прото тыж, шtbody не мати на весну прикрой неожиданности и не дождати ся сошмарєня в будучом року за великого количества завязаных овочей, треба доконче знавозити землю меже деревами штучныма навозами, отвїтныма до осєнного навоженя.

Таксамо як люды и звїрята, потребуют и корєні дерев повітря, без котрого не могут ся добре розвивати. Неораны долгый час травники в садах слабо перепущают воздух до корєней. Притом земля не выгрїта на солнци заквашує ся часто, што отбиват ся некористно на розвитку овочєвых дерев и обнижат плоды. Прото добре єст землю меже деревами переорати и заборонити. При ораню садов в садї старшом, даючом уж овочи, сїєме меже деревами слїдуючи навозы: на 1 ар (100 метров квадратных) сїєме 1 1/2 до 2 кг. 21-процентного азотняку, 2 кг. высокопроцентной (30 0/0) супертомасины и 8 кг. кайниту. В мїсто кайниту можна дати 4—5 кг. 25 процентной потасовой соли, а в мїсто супертомасины и азотняку, яко отдїльных навозов—4—5 кг. азотняковой супертомасины. По высїаню тых навозов приборонити землю и оставати очищену от буряну до слїдуючого року.

Але не всяди по садах хочєме орати землю и частїйше єст там травник. В тых случаях копаєме вокруг дерева—в отдаєленю найдалше высунєных галузей жолобки широки на 2 лопаты и глубоки на 1 лопату. Если дерево єст велике, то добре єст выкопати акы жолобки также накрєст. В тоты жолобки сїєме высше описаны навозы в количєствї два раз большом, як при попередном ґрунтї.

В великих садах, где деревья роснут в рядах и мают под собом травник, практично єст выорати 2 або 3 скибы с каждой стороны дерев и в борозды высїяти навозы. Зняту скибу оставити через зиму на боку, а на весну прикрыти ньом борозды. Добре єст до борозды дати также компост.

На што треба уважати при копаню бандурок.

У нас трафят ся часто, же люды начинают копати бандуркы уж в другом тыжднї верєснє. Звычай тот походит с тых часов, коли люды сажали малополонны вчасны отмїны бандурок. Давнїйше у тых давно плеканых отмїн, подобно як тепер у вчасных, нати́на сосыхала звычайно в другой половинї серпня и бандуркы перєставали рости. Тому копанє бандурок уж в першой половинї верєснє было совсем правильное.

Тепер серед великого wyboru отмїн бандурок, єст много отмїн полонных, созриваючих поздно, звычайно в початках жолтнї. Тыл

отмїн не можна копати в верєснї, бо при таком понагляню єя наражає ся на втрату.

Бандурам поздних отмїн, маючий долге зелєму нати́ну, в часї красной верєснєной погоды, роснут ище добре. Прирост бульв в том часї єст значный, особенно в бандурках прибыват много мучкы, котра єст найважнїйшом кормовом частью бандурок. Если завчасу копаєме бандуркы, то позбыває ся части плоду, поносячи тым самым втрату. Крім того завчасу выкопаны, не созрїлы бандуркы, маючи тоньку, блєскучу лупку, гниют часто в зимї.

Тож, шtbody не наражати ся на тоты втраты, не треба занєдто понагляти ся с копанєм бандурок, але важдати, аж бандуркы созрїют. Познаєме тоту легко по том, же лупа буде дост груба и нати́на начне сосыхати. Часом трудно ся того дождати, бо бандуркы роснут ище и в жолтнї, але долше ждати уж не можна и в жолтнї треба бандуркы копати.

В часї копаня, барз пожаданє єст откладанє отдїльно бандурок до садженя. Тоты розсадники треба через зиму держати отдїльно в пивницах або копцах. Ище втотчас, коли нати́на єст зелєна, треба перейти поле, ряд за рядом и найсилнїйши, совсем здоровы крякы зазначити стеблом соломы, або галузками. Начинаючи копати, треба найперше выкопати зазначєны крякы, выбєраючи до садженя бандуркы здоровы и великы и тоты переховати до садженя на весну.

Практика выказала, же с тых выбранных бандурок до садженя має ся вроды часто о 20—30 процент высши, як с россадников, выбєранных со всїх бандурок аж на весну. Прото тыж вартат задати собї кус клопоту при приготвленю бандурок до садженя в осєни.

Выкопаны бандуркы в продолженю пару недїль повинно оставити ся под легком прикрывом, жебы выпаровал с них надмїр воды. Зсыпаны зараз по выкопаню до пивниц гниют легко, а крім того тратят много на кормовой вартости. Прото хоц на тыждєнь, або два треба их розстелити на боиску, застєленом соломом, а коли уж совсїм высохнут, зсыпати до пивниц.

Осєнны порядкы.

Сонєчны днї осєнны надают ся наилучше до очищаня и отсвїжаня помєшканя, бо легко можна всї ґраты очистити и провїтриити на дворї.

Перед забранєм ся до бїленя и мальвованя стїн треба докладно обєзрїти стїны и подлогу, ци не мают шпар. Дыры в стїнах реперуєме мїшанином вапна с гипсом, розробленом на папку.

Если в помєшканю сут блощицы, то треба передом всї отворы и шпары в стїнах посмазвати або вышпырцовати оцтовом есенциом, котра нищит аж и зародкы тых обрыдливых оवादов. Если нїт гипсу и вапна, можна залїпити дыры также розробленом глином.

При той случайности треба понаправляти также и пєцы, если они потребуют напавы. Єст то для хозяйкы найважнїйша справа, бо злый пєц, то тяглы клопоты с варєнєм и печєнєм хлїба.

Колы єст уж всео приготвленє, берєме ся до вынесєня и очищєня всїх ґратов. Солому с постєлей треба вышарити и сїнники

выпрати и выпхати свїжом соломом, постєди старанно очистити и выпарити горячом водом.

Стїны бїлимє вапном масным, бїлим, гашєным на пару днєй перед ужитєм чистом водом. Бїлиты можна также т. зв. глинком, котру купує ся в скєпах. Глинку роспуцат ся водом так, як и вапно. Шtbody вапно держало ся лучше стїны и не отпадало додає ся до него кус роспущєного клею столярского, або клею с житной муки. На 10 кг. вапна выстарчит 2 шклянкы житной муки зяляной кыпячом водом и добре в ней розбитой, шtbody не было грудок.

Для кольору додаєме около 3/4 кг. фарбы. Фарбу треба роспустити в водї, доляти до клею и по докладном с ним вымїшаню, вляти до вапна. Роспущєна фарба надаєт кольор, а клей—блєск побїлєным стїнам. Добре єст додати до вапна также квасного добре розбитого молока, бо оно также утрвалят вапно и надає блєск.

Вооружєнє Совїтской Росии.

Одна с французских газет помїстила артыкул „Вооружєна Росия”. В том артыкулї представила, як вооружат ся Совїтска Росия и як приготвлят ся на случай войны.

Молодеж в Росии от 16-ого року отбыват войсковы вправы. В бюджетї перєзначєно на армию 14 миллиардов рублей, т.є. больше, як має цїлый французский бюджет. Росия увеличат горячково флоту морску и воздушну. В послїдном часї окончила килька великих подводных лодок и укрїпила остров Катлин. 14 тысяч работников, робячи через 4 рокы, замїнило тот остров в величєзну крїпость. Великы усилия робят Совїты в вооружєню Далєкого Востока, або своих далакых азийских посїлостей недалеко Спокойного Океана, на пограничу Японии и Кытая. Газета французска доходит до заключєня, же Совїты сут тепер наилучше вооружєном державом.

Сїзд нїмецкой правительственной партии.

В старом нїмецком мїстї Норымбергї отбыл ся сїзд нїмецких народных социалистов, то єст той партии, котра тепер рядит в Нїмєччинї и котрой предводителем єст Гитлер.

На том сїздї так канцлер як и другы бесїдники атаковали остро я своих промовах Совїтску Росию. Они называли комунизм политычно умственном хворотом, котрый єст основанный на брєхнї и терорї.

В промовах тых звернєных против Совїтам и жидам проявляло ся ясно стремлєнє уничтожити так одных, як и других.

Крім того Гитлер и другы бесїдники рїшительно заявили, же многолюдному народови нїмецкому належит ся зворот кольоний, котры втратила Нїмєччина в часї свїтовой войны.

НАРАДА ТРОХ ДЕРЖАВ.

В Братыславї отбыла ся конференция министров Югославии, Румунии и Чехословакии. Меже тых державами заключєно договор, на основї котрого Румуния має достарчити Югославии и Чехословакии нафту и бензыну, за што Чехословакия даст Румунии и Югославии оружїє с фабрыкы Скода, а Югославия достарчит Румунии мїди.

Що чути в світі.

Льондон: В часі великих совітських маневрів в окрестности Минска, найбільше сенсационним моментом було те, що на очах людей зчезли 2 совітські дивізії. Показало ся, що скрили ся они в величезних підземних тунелях, які побудовано на фортифікаційній ланці на польській границі.

Москва: Кпт. Янош и вор. Бренк, котры отлетіли с Варшавы на бальоні „L. O. P. P.“ и о котрых не было через пару дней жадных вістей, опали на землю о 100 км. от міста Онеги недалеко Білого моря. Бальон „L. O. P. P.“ занял II-ге місце в заводах на бельгійском бальоні „Бельгика“.

Париж: Через цілу Францію переходит фаля штрайков політичных, выкликаних через комуністов. Штрайки тоты маот ціль вымусити на французском правительстві зміну интервенційной політики в напрямі користном для мадритского правительства.

В Йоаннебургу в полудневой Африці и окрестности пораз перший от 32-ох літ упал обильный сніг. Сніг перервал на якийсь час комунікацію.

С Москвы доносят, же Радек и Пятаков сур арестованы через Г. П. У. и переселены до вязниці. Совітскы власти зашмаряют им сотрудицтво с Зиновьевым и Камневым.

Париж: В виду острых антикомуністичных атак, якими переполнены были всі бесіды на нюрнберском конгресі, може дойти до перерваня дыпломатичных отношень меже Берлином и Москвом.

Москва: Летчик Левоневский и Левченко опустили ся счастливо на землю в Москві. Там окончили они величезный лет Льюис-Ангельос (Калифорния) — Москва, долгий на 19000 км. Летчики летіли через Канаду, Аляску, край Чуксов и Сибир.

Льондон: С Англии отплыли 2 кораблі с 3.000 войска, высланого на усмиреніе арабов в Палестыні.

С Берлина доносят, же подорож англицкого короля мала політичный характер, а также мала ціли укріпити Англию на Середземном морі и навязати близши отношенья меже Англиом, Турциом и Грециом и другыма полуднево-европейскыма державами.

В Нюрнбергі на поли Цеппелина в другый день конгреса зложило присягу на вірность вождю 140.000 політичных руководителей Гитлеровской партии.

В Льодоні отбыл ся процес против Мак-Магови за мнимый атентат на короля Едварда VIII. Суд засудил его на 1 рок примусовых работ.

В Виннипег в Канаді повішено польского фермера 43-літнього Яна Павлюка за убийство своей жены.

Рим: Италиянска рада министров ршила декрет, же каждый нововыбодованный дом муеит мати противлетничу хованку.

В Мадриті выкрыто заговор на жите президента Азаны и премьера Кабалеро. Арестовано 6-ро люда, котры прибыли с обозу повстанцов.

В Одесі и окрестности начал ся тиждень противгазной обороны. Хлопы робят в полях в противгазных масках. Таксамо в противгазных масках робят роботники при ремонті тракторов и торговцы товарами по skleпах.

Прага: Губернатор Подкарпатской Руси перевел с премьером Годжом переговоры в ділі введенья на Подкарпатской Руси автономии. Газеты доносят, же нарады тоты не дали користных результатов.

Вісти с краю.

Варшава: На замку под председательством П. Президента Р. П. отбыло ся при участии генерального инспектора Вооружных Сил ген. Рыдз-Смиглого, премьеря ген. Славой Складковского, министра Бека и вице-премьера инж. Квятковского політична нарада, в котрой оговорено політичны и финансовы послідства визыты Рыдз-Смиглого в Парижі.

Варшава: В політичных кругах Варшавы кружат поголоскы, же предсказана на жолтень частична зміна правительства. буде приспішена в виду того, же теперешный премьер ген. Славой Складковский, котрый терпит на боли в печинці чуж ся зле и хоче уступити со становиска председателя Рады Министров, задержучи для себе теку министра внутренних справ. Яко наследника ген. Славой-Складковского вычисляють полковника Адама Коца.

Варшава: Дня 13. 9. отбыло ся на Замку торжество врученя П. Президентом Р. П. гражданской почетной грамоты міста Львова.

Варшава: В часі своего побыта в Варшаві французский министр Бастид запросил до Франции польского министра торговли и промысла Романа.

Во Львові застрілил ся знамый литерат, журналист и политик украинский, 45-літний Гриц Гладкий, начальный редактор официального органа Унда „Свобода“. Причины самоубийства незнаны.

Катовицы: На терені копальні „Фердинанд“ в Богуцицах падпалил оден волокыта стодолу, в котрой спало 18-ох бездомных волокытов. 12-ох с них спалило ся, а оден вышол с житем, але и тот ест страшно попареный. Подпалача арестовано. Оказало ся, же подпалил он стодолу протом, бо му другы не позбавляли там спати.

Катовицы: Німеччина будув на Шлеску цілый ряд сильных крпостей.

Львов: Во Львові мае повстати нова партия, с д-ром Адрияном Копыстьянским во главі, котра мае выдавати газету под назвом „Галицка Русь“.

Варшава: Союз урядников в Польщі приготавлият ся ку кампании в користь повысшенья урядничих пенсий. Урядничии организации маот зажадати автоматичного аванса и додатку родинного. Выполненя жадань урядников потягнуло бы за собом выдаток около 180 миллионов злотых рочно.

В Келецком воєводстві в том році град знищил перешло 90 процент вроды, в наслідох чого господарам не остало зерна ани на засів.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ
ОТНУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

заасекурує ся

в асекураційном Товаристві

ВИТА И КРАКОВСКЕ
во ЛЬВОВІ

Асекурацію принимают на цілой Лем-ковшині
представителі: гг. Осиф Яновицкий — Крыница-Село и Михаил Перелом — Сянок.